

საქართველო

ეროვნული
ბიბლიოთეკა

საერთოული გაზეთი

შაბათი 7 აპრილი 2001 №62 (1335)

ფასი 50 თეთრი

საქართველო საბრძოლველად წავიდა



2000 წლის 2 აპრილი. საქართველო — რუმინეთი 2:23. აბა, ბუქარესტში იქნება ჯახი!

ევროპის ერთა თასი. მხნეთა ჯგუფი. 7 აპრილი

რუმინეთი - საქართველო

გუშარესტი. «სტიაუსა» სტადიონი. 13 საათი



დღეს, ჩვენი დროით სამ საათზე საქართველოს მორაგბეთა ნაკრები რუმინელებს ეთამაშება ბუქარესტში. ბორჯღალოსნებმა უკვე არაერთი გამოსცდა ჩააბარეს მთავრებულს, მეტოქეს და საკუთარ თავსაც, მაგრამ დღევანდელი გამოცდა განსაკუთრებულია.

ყველას მოეხსენება, რომ რუმინეთი არც რუსეთია, არც ესპანეთი და არც პორტუგალია. ის ბევრად მეტია, ვიდრე სამივე ერთად აღებული. ათეული წლებია, მას მყარად უჭირავს ადგილი ევროპული რაგბის დიადთა შორი-ახლოს, საქართველო კი ახლა იწყებს ხანგრძლივ და მუხლჩაუხრელ ბრძოლას სწორედ ამ ადგილისთვის.

აპ, რამდენი ბრძოლა, შრომა, გამოცდილება სჭირდება სარაგბო თამაშში ნაბიჯის წინ წადგმას. რამდენი ოსტატობა და რამხელა თავზე ხელის აღება...

ჩვენ ვიცით, საქართველო არ გამგზავრებულა რუმინეთში ერთი დაგვეგმილი, შეჩვეულად წასაგები თამაშის ჩასატარებლად. საქართველო საბრძოლველად და მოსაგებად წავიდა, წავიდა ნამდვილი გამოცდისთვის და ეგებ ამ თამაშში შედეგზე არანაყოლებ მნიშვნელოვანი გამოცდის ჩაბარებაც. იყოს. ჩვენ კი გული გავიმავროთ და კიდევ ერთხელ დაგვახლოთ:

მინავა!!!

იხილეთ მეათე გვერდი

**გორდა 0:3
სიონი 0:3
ფედერაციაში
ჩამწყობებს
ამონწყობინა**

იხილეთ მესამე გვერდი



განაჩენი სამეულმა გამოიტანა: ალექსანდრე ჩივაძე, მერაბ ჟორდანიანი და ვალერი ჩოლოარი

გურამ დუმბაძის ფოტო

შინდისფერი ოცნება

კოპუაზვილი იცავს, ყიფიანი უტყვის

ემოციები ჩაცხრა. ხალხი ნელ-ნელა ივინწყებს იმ გულსატკევიარ საღამოს, რომელსაც დიდი იმედით ელოდა — 28 მარტს, თბილისში რუმინელთაგან ქართველთა ნაკრების დამცირებას. მას შემდეგ 10 დღე გავიდა და ჩვენც ახლა, ცივ გონებაზე ვთხოვთ ინტერვიუ ნაკრების ერთ-ერთ მწვრთნელს, რეპაზ ძოძუაშვილს



ფოტო: ირაკლი აბოშვილი

— ბატონო რეპა, კაუნასში იტალიასთან თითქოს ნორმალურად ითამაშეთ და ქომაგებსაც რუმინელთა შინ დამარცხების იმედი მიეცათ. რა მოხდა 28 მარტს? რატომ ითამაშა ნაკრებმა ასე უსუსურად?
— საქმეც ისაა, რომ გუნდმა, ერთი შეხედვით, ლიტვასა და იტალიაში კარგად ითამაშა და ფეხბურთელებს თავი ვარსკვლავები ეგონათ. რუმინელებმა ყველანი მიწაზე დაუშვეს. კაუნასში მოგება ბიჭებს თავში აუვარდათ. ეს თქვენი, უურნალისტების ბრალიცაა. გუნდი ცაში აიყვანეთ. ფეხბურთელებსაც თავიანთ თავზე დიდი წარმოდგენა შეექმნათ. ასე არ შეიძლება ფაქტებს ნუ აბუქებთ...
— რა გავაბუქეთ? ურნალისტები რა შუაში ვართ. კონკრეტულად თქვით.
— არის რაღაც ზღვარი, რომელსაც არ უნდა გადახვიდე. როცა აქებთ და აღივლებთ ზოგ მოთამაშეს, თავი მართლაც რაღაცად წარმოუდგენიათ, ფსიქიკა ეცვლება.
— რუმინელებთან წაგებაში თქვენი და თქვენი კოლეგის ბრალს ვერ ხედავთ?
— ჩვენი ბრალი, უპირველესად, ისაა, რომ ამ მატჩისთვის მეკარე ვერ მოვაშალეთ სათანადოდ. ვერ შევარჩიეთ ისეთი მეკარე, რომელიც გადაგვარჩენდა და 30 მეტრიდან ბურთს არ გაუშვებდა. ამ მხრივ ისე ვერ ვიმუშავეთ, როგორც საჭირო იყო.
— გამოდის, ჯოხს გვარამაძეზე ტყბით.
— არა, სხვებიც ცდებოდნენ, მაგრამ უპირველესი, ხომ ვთქვი, ეს იყო.
— კიდევ?
— ხალხის ხმას რომ აგვევით და მოედანზე ჯანაშია გამოვიყვანეთ. მისმა თამაშმა ტაქტიკური მონახაზი არია. მერე იძულებულნი ვიყავით, შოთა არველაძე მარცხნივ, ყაველაშვილის პოზიციასზე, ოლონდ წინწაწულ მარცხენა ჰაერს გაგვამაშებინა. ჩვენ ფლანგები უნდა გადაგვეკეტა და კიუსისთვის და

კონტრასთვის შეტევებში ჩართვის საშუალება არ მიგვეცა. ამას ყაველაშვილზე და ქეცბაიაზე უკეთ ვერავინ გააკეთებდა. გააკეთეს კიდევ, მაგრამ ჯანაშია რომ ჩავრთეთ თამაშში, ვთქვი, ამან ტაქტიკური გადაადგილება მოითხოვა. ჩვენ გავრისკეთ და დავისჯავეთ. მერე უკვე ქეცბაიაც შევცვალეთ. ესეც წმინდა ტაქტიკური მოსაზრებით. ქეცბაია იქმნებოდა იმისთვის, რომ დაეხმარებოდა გავაძვინებოდა. ხომ ნახეთ, არ გაამართლა. გოლებიც იმ პოზიციებიდან გავუშვეთ, რომლებიც დავისუსტდა. გაისხენით, მუნტაიანუმი და კონტრამ საიდან დაარტყეს.
— გვასოსვს, მაგრამ ერთი კითხვა ბუნებრივად ჩნდება. ჯანაშია თავიდანვე რატომ არ ათამაშეთ? თუნდაც იაშვილი ან არჩილ არველაძე? რატომ არ ითამაშეთ ორი გამოკვეთილი ფორვარდით?
— ჩვენი გეგმა, ხუთი — ქეცბაია, რეხვიასვილი, ნემსაძე, ყაველაშვილი და, რაღა თქმა უნდა, შოთა არველაძე უნდა გადასულიყვნენ იერიშზე, შესაბამისად მცველებიც ზემოთ უნდა აწეულიყვნენ. თავიდანვე მორე თავდამსხმელის დაყენების აუცილებლობას ვერ ვხვდავდით. სხვა საქმეა, დავალება ვინ როგორ შეასრულა.
— შემადგენლობა თქვენ შეარჩიეთ თუ ყიფიანმა?
— ორივემ.
— ორივემ ერთად თქვით, ეს თერთმეტი კაცი ვათამაშოთ?
— ასე შევთანხმდით.
— თეორიულად ვინ მოამზადა ფეხბურთელები?
— ყიფიანმა დაიწყო, მე გავაგრძელე.
— ის მართალია, მცველებს ძირითადი შემადგენლობისთვის მოძუაშვილი არჩევს, დანარჩენებს ყიფიანი?
— ასეა. მცველების შერჩევამ პეროგატივა მე მაქვს.
— მერე ისიც ხომ გასათვალისწინებელია, ესა თუ ის მცველი მის ფლანგზე

გელ ნახევარმცველს როგორ შეეწყობა? საერთოდ, მცველები და დანარჩენები ერთმანეთს გაუგებენ თუ არა?
— რა თქმა უნდა, ამას ვითვალისწინებთ და საბოლოო შემადგენლობას ასე ვირჩევთ.
— ჯამარაული რატომ არ ათამაშეთ?
— ქინქლაძეს შეუძლია ერთი ისეთი რამ გააკეთოს, თამაშში მოგაგებინოს, ჰქონდა კიდევ ამის საშუალება მორე ტაიმში, როცა 0:0 იყო, მაგრამ ნამეტანი მოინდომა. ესეც რომ არა, მწვრთნელთათვის დაუწერელი კანონია — მოგებული შემადგენლობა არ იცვლება. რა თქმა უნდა, ლიტვასთან თამაშს ვვულისხმობ.
— შოთა არველაძეს არც ლიტვაში უთამაშია, არც იტალიაში.
— ის დღესდღეობით საქართველოში პირველი ფორვარდია. მასზე უკეთესი არ გვაყავს.
— ჯამარაულს არ შეუძლია, ერთი ისეთი გააკეთოს, თამაშში მოიგოს?
— იცით, უთამაშებელ ქინქლაძეს ნაკრებში აღერ თამაშები მოუვია, ჯამარაულს — არა. ყოფილა ასეთი შემთხვევები.
— კი მაგრამ, ჯამარაული რომ ჩინებულ ფორმაში იყო?
— ხომ ვთქვი, ქინქლაძეს შეეძლო, მიეღო თამაშში ერთი გაკეთებინა და მოგვეგო. ჩვენ ჯამარაულს არაფერს ვერჩით. კი თქვა ნაკრებში თამაშზე უარი, მაგრამ სწორედ ახლა, ისრაელთან ამხანაგური შეხვედრისთვის ჩამოვიდეს და თავისი დაამტკიცოს. მაშინ ვიტყვით, შევცდით, რუმინეთთან რომ არ ვათამაშეთო.
— ამ წაგების მერე გადადგომაზე არ გიფიქრიათ?
— არა.
— იქნება თუ არა უკეთესი, ნაკრებს ერთი მწვრთნელი ჰყავდეს?
— უკეთესი იქნება, თუმცა ისე არ გაივით, თითქოს მე და ყიფიანი ერთმანეთს ხელს ვუშლიდით. ჩვენ ნაკრებში მუშაობა ერთად დავიწყეთ და ერთად დავამთავრეთ.
— როცა ორივენი დაინიშნეთ ნაკრების მწვრთნელებად, მაშინ რატომ არ თქვით, ჯობს ერთი იყოსო?
— იცით, მწვრთნელი თუ პატიოსანია, ნაღდად ნაკრებზე ფიქრობს, როცა ეროვნულ გუნდს აბარებენ, უარი არ უნდა თქვას. მე მსურს, საქართველოს წარმატება მოვუტანო და მზად ვარ, ყველა შეცდომისთვის პასუხი ვაგო.
— გადადგომაზე რატომ არ გიფიქრიათ?
— მაშინ უნდა გადადგე, როცა შენი მწვრთნელობის პერიოდში ნაკრებს აღმავლობა არ ეტყობა.
— ახლა ეტყობა?
— თქვენ ვერ ატყობთ? მეგონია, რომ გუნდი უწინდელზე უკეთ თამაშობს.
— დიდი განსხვავება არ არის. რუმინეთთან, მაგალითად, გუნდმა აღინდელზე ცუდად ითამაშა.
— მხოლოდ რუმინეთზე ნუ ვიტყვით. იქამდეც გვითამაშია და, ვფიქრობ, ნორმალურად.
— გერმანიაში მომზადებამ ხომ არ ავნო გუნდს?
— არა, ეს გამოირიცხებოდა. იქ ძალიან კარგი პირობები იყო.
— ფეხბურთელები მეზავრობამ არ დაღალა?
— არა. მათ დასვენება მოასწრეს.
— მართალია, გერმანიიდან ჩამოსული ფეხბურთელები მატჩის წინა დღეს შინ იყვნენ?
— 27-ში ღამით ჩამოვედით და აეროპორტიდან პირდაპირ სასტუმროში წავიდით. მე ტაქტიკაზე ვმუშაობდი და არ არის გამორიცხული, ვინმე შინ გაპარულიყო.
— არ იცით?
— ზუსტად ვერ გეტყვით.
— იტალიასთან რა ეშველება ნაკრებს? რუმინეთთან ნათამაშევი შემადგენლობა მნიშვნელოვნად შეიცვლება?
— მნიშვნელოვნად არა, მაგრამ რაღაც ცვლილებები აუცილებლად იქნება. ლეგიონერები თბილისში, იტალიასთან მატჩისთვის ვარსკვლავებად ვეღარ ჩამოვლენ. ყველას უნდა ახსოვდეს, რუმინეთთან როგორ ითამაშა. ვეცდებით, ეს წარუმატებლობა იტალიელებთან გამოვასწოროთ.
— გჯერათ ეს?
— რა თქმა უნდა.

კომპანია



ზეპ ბლატერის პლიმ-პიზიბი თბილისში

თბილისში ფიფას პრეზიდენტი ზეპ ბლატერი ჩამოვიდა. ეს, რა თქმა უნდა, დიდი მოვლენაა ქართული ფეხბურთისთვის. ბოლოს და ერთადერთხელ ამგვარი 16 წლის წინ მოხდა. მაშინ მსოფლიოს ახალგაზრდული ჩემპიონატი სწორედ თბილისში, ლენინის სახელობის „დინამოს“ სტადიონზე გაიხსნა და ფიფას მაშინდელი პრეზიდენტი ჟოაკ აველან-ჟი გვეწვია. თბილისში უფას პრეზიდენტი ლენ-



ლილი — ბორდო 2:2. ლილევი დაგუ ბაყარი და ბორდოელი ალენ რომი



რეპაზ ძოძუაშვილი ეროვნულს დატოვებს იმ აბირებს

გერმანია XXVIII ტური კობახუნი 0:0 პოლვაზარაზი	ჰოლანდია XXVII ტური უტრახტი 1:0 ალკმარი
II ბუნდესლიგა XXVIII ტური ნიურნბერგი 0:1 ზაარბრიუჰენი	ბელგია XXVIII ტური ლუვიი 1:1 შარლერუა
ინგლისი I დივიზიონი XXXI ტური ბარნლი 3:0 პრესტონი	ჩეხეთი XXIII ტური სიგა 1:1 სლავია
საფრანგეთი I დივიზიონი XXX ტური ლილი 2:2 პორტო	პოლონეთი XIX ტური ლეგია 0:0 ვიჰევი
იტალია სერია B XXX ტური ბორინო 0:0 პიავო	თურქეთი XXVII ტური ჩიგა 2:1 ბაზინთაფი
პორტუგალია XXVII ტური ბრაზა 2:2 ფარირა	უგანდა VI ტური სინტ ბალენი 1:0 ცინუინი
	რუსეთი IV ტური ცსკა 0:1 ტორპედო

გორდა იმე

ჩაენყობებს ამონყობინს

ფელერაცია ბარბეებს არ შეურიბდა და ორივე გუნდი დასაჯა. ამ ჯერზე მსუბუქად

იმედურე რამე

მომღერალი ფიკლასური ფეხბურთელ ხინჩაბაშვილს ფეხბურთის ასოციაციის

ფეხბურთის ფედერაციის საგანგებო კომიტეტმა, რომლის წევრებიც ფედერაციის პრეზიდენტი მერაბ ჟორდანიანი, ვიცე-პრეზიდენტი ალექსანდრე ჩიკაძე და გენერალური მდივანი ვალერი ხოლარია არიან, გუშინ საგანგებო შეკრება მოაწყო.

მერაბ ჟორდანიანის კაბინეტში, ზემოხსენებული სამედიცინო გარდა, რუსთავის „გორდას“ აწ უკვე ყოფილი პრეზიდენტი თემურ ბუილიშვილი, ვიცე-პრეზიდენტი თემურ წიკლაური, გუნდის უფროსი იასონ ალადაშვილი, ფედერაციის საშუალო კომიტეტის უფროსი ვიაჩესლავ სანდუკოვიჩი, ბოლნისის „სიონის“ მწვრთნელი სპარტაკ არჩვაძე, მისი თანამემწე თენგიზ კუბლაშვილი, ადმინისტრატორი პეტრე დანელია, „გორდა“ — „სიონის“ მატჩის არბიტრი მერაბ მალაღურაძე, ამ შეხვედრის ინსპექტორი ლევან ყიფიანი, ფედერაციის სატრენინგო კომიტეტის წევრი შოთა ხინჩაგაშვილი და პრეს-სამსახურის უფროსი მამუკა კვარაცხელია იყვნენ. მოვესწვიეს მატჩის მხილველი ჟურნალისტებიც.

თემა მერაბ ჟორდანიანის პირველი ტურის „გორდა“ — „სიონი“, რომელიც ლევან ყიფიანის, შოთა ხინჩაგაშვილისა და კიდევ ბევრის, მათ შორის ჩვენს აზრითაც ჩაწყოფილი იყო.

— მე სულაც რუსთაველი ვარ, „გორდას“ ხელმძღვანელები ჩემი მეგობრები არიან, მაგრამ სიმართლე უნდა ვთქვა, მერაბ ჟორდანიანი დაწვევიდან 12 წუთში ავლექი და სტადიონიდან წამოვედი. ფეხბურთი არ იყო და იმიტომ — თქვა შოთა ხინჩაგაშვილი.

— მეც წამოვივლი, მაგრამ ინსპექტორი ვიყავი. ისეთ თამაშზე, გინდა, არ გინდა, უნდა გეფიქრა, ჩაწყოფილია. უამრავი საფუძველი მაქვს ამის სათქმელად — ლევან ყიფიანმა მატჩის მერაბ ჟორდანიანი თითქმის მთლიანად აღწერა.

— „სიონი“ ხელფას-პრემიები დაურიგებელია. ფულს „გორდასთან“ მატჩის წინ ველოდი, მაგრამ ამაოდ ბიჭებმა პირველი ტაიმი მაინც ითამაშეს და შეხვედრებზე ერთხელაც იკითხეს, ფული თუ მოიტანესო, რომ გაიკვს, ვერაფერს მიიღებდნენ, მერაბ ჟორდანიანი ალარ ითამაშეს. ჩაწყოფილი არაფერი ყოფილა — ეს „სიონის“ მწვრთნელის თანამემწე თენგიზ კუბლაშვილის სიტყვებია. თითქმის იგივე გვითხრა ბოლნისის გამგებელმა ზურაბ ჯაფარიძემაც, რომელსაც მოგვიანებით შევეხმიანეთ.

— ჩაწყოფილი თამაში არ იყო — ეს ჯერ „სიონის“ მწვრთნელმა მოახსენა საგანგებო კომიტეტს, მერაბ ჟორდანიანი ალადაშვილმა.

თავისი სათქმელი გუშინდელი შეკრების დამსწრე მომღერალმა, თემურ წიკლაურმაც თქვა:

— ფეხბურთელები უხელფასობით ფსიქოლოგიურად გატეხილები კი იყვნენ, მაგრამ საკითხავი ისაა, სხვები ფსიქიკურად რა მდგომარეობაში არიან. აგერ, „გალათასარაიც“ აგებდა შინ „რეალთან“ 0:2-ს, მაგრამ მაინც მოიგო.

ფეხბურთში მოტრიალე მომღერლის ასეთი „არგუმენტის“ პასუხად ცნობილი სიმღერა გაგვასხენდა — იმდერე რამე-წიკლაურის მერაბ ჟორდანიანი, როგორც თავად თქვა, აწ უკვე ყოფილმა პრეზიდენტმა თემურ ბუილიშვილმა ილაპარაკა:

— შეგიძლიათ ჩათვალოთ და ამას ახლა პირველად ვამბობ, მე „გორდას“ პრეზიდენტი აღარ ვარ. ხვალ-ხვდ თანამდებობას ოფიციალურად დაგტოვებ. ისე კი, ყველაფერი მესამე პირის ბრალია, სხვა არ უნდა ერეოდეს საქმეში. სამწუხაროდ, იმ მესამის ვინაობას დღეს ვერ გავაშხელ. ეს სხვა დროისთვის იყოს.

თემურ ბუილიშვილმა კბილი ცოტა ჟურნალისტებსაც გაგვკრა, მაგრამ იერზე აშკარად ეტყობოდა, მატჩის ძალიან დაეფიქრებინა. ისიც თქვა, ამდერე რამე ფედერაციაში ჩემს ლანდსაც ვეღარ ნახავო.

ბოლო სიტყვა, ცხადია, პრეზიდენტისა იყო — მერაბ ჟორდანიანი.

— სპეციალისტები, ინსპექტორი, ჟურნალისტები ერთსა და იგივეს ამბობენ. დარწმუნებული ვარ, ჟურნალისტები არანაირად არ იყვნენ დაინტერესებულნი, ასეთი რამ დაეწერათ. მე ვამბობ და მსურს, რომ ორივე გუნდი, „გორდაც“ და „სიონიც“ მოეხსნათ ჩემპიონატები. სხვები ჭკუას ისწავლიან. ასე გავრძელება აღარ შეიძლება.

შემდეგ საგანგებო კომიტეტი განმარტოვდა. ფედერაციის ჩინოსნებმა საათისათნახევარი თათბირეს და ვერდიქტს გამოაცხადეს:

1 არასპორტული საქციელისათვის, ფერადების პრინციპების დარღვევისათვის რუსთავის „გორდას“ ამ მატჩში ჩაეთვალოს წაგება 0:3.

2 ასევე არასპორტული საქციელისათვის, რაც გამოიხატება თამაშის დემონსტრაციულად, უბრალოდ დათმობაში, ბოლნისის „სიონს“ ამ მატჩში 2:3-ის ნაცვლად, ჩაეთვალოს წაგება

0:3 და ჩამოაკლდეს 3 ქულა.

3 ორივე გუნდს მიეცეს პირობითი დისკვალიფიკაცია სეზონის ბოლომდე.

4 ორივე კლუბის პრეზიდენტებს დაევალით ბოლომდე გამოეკლიონ ზემოაღნიშნული საკითხი და სფფ-ს წარუდგინონ დასკვნა არაუგვიანეს 24 აპრილისა.

მერაბ ჟორდანიანი კი მინი-პრესკონფერენციაზე განვიცხადე:

— მადლობა ჟურნალისტებს, ეს ამბავი რომ გაახმაურეს. მადლობა მატჩის ინსპექტორ ლევან ყიფიანს, რომელმაც არაფერი დამალა. ვისურვებდი, რომ ჩემპიონატის ყველა მატჩს ყიფიანისნაირი ინსპექტორები ემსახურებოდნენ. „გორდას“ და „სიონის“ დასჯა მაგალითი იყოს დანარჩენი გუნდებისთვის. ძალიან კი მსურდა, ორივე გუნდი მოგვეხსნა ჩემპიონატებიდან, მაგრამ შემდეგ გადავწყვიტეთ, ასე დაგვესაჯა. დღეის შემდეგ, დარწმუნებული იყავით, არც ერთ ასეთ შემთხვევას არ დაგტოვებთ რეაგირების გარეშე. ჩვენთვის მერაბ ჟორდანიანი, გუნდმა თამაში უხელფასობისა თუ სხვა რამე მიზეზის გამო დათმო. ეს არასპორტული საქციელია.

მერაბ ჟორდანიანის გამოცხადებულმა განაჩენმა „სიონის“ წარმომადგენლები აღაშფოთა. „ყველაფერი „იმ მესამის“ გამო, არა? ყოჩაღ თქვენ“ — თქვა თენგიზ კუბლაშვილმა, რომელსაც მერაბ ჟორდანიანი საშუალო კომიტეტისკენ მიუთითა, თან დასძინა — გადაწყვეტილება საბოლოოა.

ჩვენ კი ვიტყვი — „გორდაც“ და „სიონიც“ უფრო მკაცრად უნდა დაესაჯათ.

კობა ინასარიძე



სამოცდაათიანი წლები იწურებოდა, იტალიურ ფეხბურთში რომ სკანდალი ატყდა.

ადრეც უნდა ატეხილიყო, მაგრამ როცა ატყდა, ატყდა და მერე ევროპაში ამის შესახებ ძალიან საინტერესო წიგნები დაიწერა.

ჩაწყოფილ თამაშებში მონაწილეობის გამო, სერია B-ში დაქვეითდა „მილანი“, თამაში აკრძალა პაოლო როსის, იტალიური ფეხბურთის სცენიდან გაქრა საქმოსანი იტალიალო დი. ბევრი გადარჩა, ბევრმა თავი ვერ დაიმურხა, იტალიური ფეხბურთი კი გადარჩა.

დალუგვისა არც მანამდე ეტყობოდა რამე და არც შემდეგ. სკანდალიდან სულ მალე იტალიამ ევროპის ჩემპიონატს უმასპინძლა, კიდევ ცოტა ხანში მსოფლიო ჩემპიონი გახდა, „იუვენტუსიც“ ვიუტად გადიოდა ევროპის ფინალში და საერთოდ, ამ ამბავს გადაწყვეტილი გეგმუნა არ მოუღენია იტალიური ფეხბურთზე. ეს იყო, რომ იტალიაში ტოტალიტატორი კანონგარეშედ გამოცხადდა და თუკი ამ სკანდალს ჰქონდა ღრმა შინაური მიზეზი, სწორედ ფსონების გამო.

ამას იმიტომ ვამბობ, რომ თამაშის ჩაწყოფის მთავარი აზრი იქ შავი ხალხის მიერ ფულის მოგება-წაგების ამბავზე უფრო ეკიდა, ვიდრე იმაზე, რომ ვთქვით, „მილანს“ მინცდამაინც მესამე ადგილი უნდოდა ცხრილში, „იუვენს“ კი ჩემპიონობა.

და რა არის თამაშის ჩაწყოფის აზრი საქართველოს ჩემპიონატში? აქ თამაშის ჩაწყოფას ვუნდისთვის თუ ექნება აზრი, თორემ ფსონი რა მოსატანია. ფსონს ვინ გავა ჩვენს თამაშებზე ვინ ენდობა? გუნდს კი რა უნდა? ადგილი იქ, სადაც არის, ანუ მიჩვეული ადგილი. „გორდა“ — „სიონის“ თამაშის გამო დიდი ამბავა ატეხილი. ეს სრულიად გასაგებია. მისასაღებებელია, რომ იყუება ბრძოლა (თუ იყუება) ჩემპიონატის სიწმინდისთვის და იმის წინააღმდეგ, რომ მოედანს გარეთ წყდებოდეს მოედნის ამბები და მოიშალოს მიცემა-მოცემის, ქულათა სესხების სისტემა, რომელიც ვერ კიდევ საბჭოთა ეპოქაში იყო საქართველოს ჩემპიონატში და, რის საქართველო, უმადლეს ლიგამიც.

ეს ყველაფერი იყო, იყო... და სამწუხაროდ, არსად წასულა, თორემ ახლა რუსთავის თამაშს რომ მივადგეთ, სასაცილოც იქნება.

აქ ისიც არ არის მთავარი, იღებენ თუ არა გუნდები ქრთამს, აქ ის არის მთავარი, რომ წლეულს მე დაგიტომე, გაისად შენ დაგიტომოს. ეს იცოდა ყოველმა გულშემოტკივარმა ძველ დროში. ასეთი იყო სისტემა ცხოვრებისა და ფეხბურთისაც.

თორემ, იტალიაში რა და როგორ, საინტერესოც არაა. იქ სისტემა სხვა იყო და იმ სისტემას არაფერი დაკლებია, უბრალოდ, უსიამოვნო ამბავი ჩამოშორდა სასამართლოს ხელით.

ჩვენთან კი... მაგალითად, თბილისის და მოსკოვის დინამოელები ბარე სამი სეზონი E-ს თამაშობდნენ და მაშინ ყველა ამბობდა, შეთანხმება-აო. ქრთამი კი არა, შეთანხმება. შეთანხმებას კი ვერ დასჯი, არაბო-ფესიონალ ფეხბურთელს სულაც არ ევალება მოედანზე თავის მოკვლა. კანონი კი არ ირღვევა, მორალი.

ეს კი ჩვენთვის უცხო ამბავი სულაც არ არის.



მსაჯული და განსასჯელები: მერაბ ჟორდანიანი, სპარტაკ არჩვაძე, თენგიზ კუბლაშვილი, იასონ ალადაშვილი, პეტრე დანელია

ნახდენილი ოცნება მილანმა თერმის პარი შეუთავლა



ადრიანო გალიანი: „მილანს“ მალდინი მიხედვას

„მართალია, ვერ მხოლოდ ორი თამაში მოვიგეთ, მაგრამ პრეზიდენტიდან დაწყებული „მილანში“ ყველა კმაყოფილია“ — აი, ასე შეაფასა გუშინ იტალიური სუპერკლუბის ოფიციალურ საინტერნეტო ვებ-გვერდზე ჩეხარე მალდინისა და მურო ტასოტის ნაღვაწი „მილანის“ ვიცე-პრეზიდენტმა ადრიანო გალიანმა.

„მას შემდეგ, რაც ალბერტო ძაკერონი გავათავისუფლეთ და „მილანი“ ჩეხარე მალდინისა და მურო ტასოტის ჩაკაბარეთ. გუნდმა კარგა ხნის მივიწყებული მოგების გემო გაიხსენა. გა-

სლოვ, ალბათ, ჩეხარეს და მუროს სეზონის ბოლომდე გუნდის გაწვრთნაზე შევეთანხმდით. ახლა კი, არაა გამორიცხული, თუ „მილანმა“ დასახული მიზანი შეასრულა და ჩემპიონთა ლიგაში გამსვლელი მეთხე ადვილი დაიკავა, ახალი სეზონიდან გუნდი ისევ მათ გაწვრთნან“ — დასძინა გალიანმა.

ეს კი რას ნიშნავს? რას და თურქი ფატიჰ თერიმის ოცნებას ასრულება არ უწერია. სწორედ „მილანზე“ ფიქრით დატოვა „ფიორენტინა“ „დიდმა თურქმა“. არადა, ვიტორიო ჩეკი გორი, „ფიორენტინას“ პრეზიდენტი, მის გა-

შეებას არ აპირებდა, ახალი კონტრაქტიც შესთავაზა და დიდ ფულსაც შეჰპირდა, მაგრამ ხომ გავიგონათ, კაცი ბჭობდა, ღმერთი იცინოდაო. სწორედ ასე დაემართა თერიმს. დაიქონა თურქმა, არ მინდა ფლორენციაში დარჩენა, მიჩვენია, უფრო სახელთან და ტიტულიან კლუბში ვიმუშაო და...

„მოხარული ვიქნები, თუ „მილანს“ კვლავაც მალდინი-ტასოტის დუეტი გაწვრთნის“ — გალიანის ეს სიტყვები, ცხადია, ფატიჰ თერიმს გულს არ დაუამბდა, თუმცა ჩვენთვის ისიც უცნობია, რას ფიქრობს თავად თერიმი. იგი ჯერჯერობით დუმის ამჯობინებს, არანაირი კომენტარი არ გაუკეთებია. არაფერი უთქვამს თავად თურქის პირად ავტრსაც.


ერთი სიტყვით, ფატიჰ თერიმს ალბათ უჯობდა, „ფიორენტინაში“ დარჩენილიყო, მაგრამ ვერ დაიჭირა „მილანური კურდღელი“. ჯერჯერობით ასე ჩანს და სამომავლოდ რა იქნება, ვინ იცის. მალდინი-ტასოტის დუეტის საქმიანობით „მილანის“ ტიფოზებიც კმაყოფილი არიან. როგორც იქნა, გაინხარეს საყვარელი გუნდის მოგებით, თუმც ადიარებენ, ვობს, ეიფორიაში არ ჩავვარდეთ და მართლებიც არიან.

მათივე სიტყვებით, ახალმა მწვრთნელებმა დიდი „საქმე“ გააკეთეს, როცა ძირითად შემადგენლობას „არაფრის მაქნისი“ ფეხბურთელები მოაცილეს: დიდა, როკე ჟუნიორი, ბა, პაბლო გარსია.

„ძაკერონი შემადგენლობას ყოველი მატჩის წინ ცვლიდა, ზედიზედ ორჯერ ერთი და იმავე შემადგენლობით არც უთამაშებია გუნდი. მალდინი-ტასოტმა კი ნაცად ზერხს მიმართეს და რაც მოვიგეთ ამით, „ბარისთან“ და „ლაციოსთან“ მატჩებშიც დამტკიცდა“ — აღტაცებული არიან ტიფოზები.

გიორგი გუგუშვილი

გიგზმა მანჩესტერში ჯვარი დაინერა



რაიან გიგზი

რაიან გიგზმა „მანჩესტერ იუნაიტედთან“ ხუთწლიანი კონტრაქტს მოაწერა ხელი. „ოლდ ტრეფორდზე“ იგი 2006 წლამდე დარჩება. თუ უელსელმა ეს შეთანხმება არ დაარღვია, მაშინ „იუნაიტედში“ თხუთმეტწლიანი კარიერის მიითვლის.

გიგზს „იუნაიტედში“ 400-მდე შესვენდრა აქვს ჩატარებული და ამ მანვენებით მხოლოდ ვეტერან დენის ირვინს ჩამორჩება.

„ახალმა კონტრაქტმა ძალიან გამახარა — განაცხადა უელსელმა — „ოლდ ტრეფორდზე“ ფანტასტიკური დრო გავატარე, დიდი იმედი მაქვს, რომ დარჩენილ წლებში უფრო მეტ ჯილდოს მოვიპოვებ“.

გიგზი 17 წლის იყო, როცა „იუნაიტედში“ პირველად ითამაშა. იგი მანჩესტერულ დერბიში „სიტის“ წინააღმდეგ გამოჩნდა მინდორზე და გამარჯვების გოლიც სწორედ მან გაიტანა, მას შემდეგ კი „მანჩესტერის“ მისურით დაახლოებით 90-ჯერ დალაშქრა მეტოქეთა კარი.

„ორი წლის წინ უელსელმა „მანჩესტერთან“ ერთად ჩემპიონთა თასი მოიგო. მერე კი საკონტინენტთაშორისო თასზე „პალმეირასის“ წინააღმდეგ მატჩის საუკეთესო მოთამაშედ დაასახელეს. რაიან გიგზმა „იუნაიტედის“ ბოლოდროინდელ მიღწევებში ლომობე წილი დაიღო. ეს დაფასებას იმსახურებს. სასიხარულოა, რომ რაიანი ჩვენთან მჭტე ხნით დარჩება“ — განაცხადა „იუნაიტედის“ შეფმა პიტერ კეინონმა.

ნიკა უზულაძე

რესტორანი მზიანი ღამე





**განახლებული მუშაობა გაუმჯობესებული სარისხით
დილის 11 საათიდან ღამის 2 საათამდე**

- * პროფესიონალები სამზარეულოში და შთამბეჭდავი მენიუ — ქართული და ევროპული კერძების სიმრავლე და ნაირგვარობა.
- * გსურთ წვეულების, ბანკეტის, ფურშეტის მოწყობა? მივიღებთ შეკვეთებს მომსახურების უმაღლესი დონის გარანტიით

**კ უ ტ უ ზ ო ვ ი ს ქუჩა №3
(ყოფილი სირაკის სასტუმროს პირველი სართული)**

მობრძანდით, გვინდეთ: კმაყოფილი დარჩებით





რუმიინეთი - საქართველო

ბუქარესტი. «სტინაუს» სტადიონი. 13 საათი

რუსი ქულით მოვიგებთ მიტუ მთიულიშვილს ორ ბოთლ შამპანურზე დაენაკლავა

დღეს, თბილისის დროით სამ საათზე, საქართველოს ეროვნული ნაკრები ბუქარესტში რუმინეთის შეერკინება. დღეს გაირკვევა წლებადელი „ევროპის ერთა თასის“ გამარჯვებული ქართველებს უკან დასახევი ვა არა აქვთ, უნდა გაიმარჯვონ, სხვა შემთხვევაში თასი კარპატელებს დარჩება.

რაგბის ქართველ გულშემატკივარს საშუალება ექნება, ამ მნიშვნელოვან შეხვედრას საქართველოს ტელევიზიის პირველ არხზე ადევნოს თვალი, ოღონდ ვიდუიანაწერით მოუწევს დამყოფილება. არადა, თავიდან საქმის ისეთი პირი უნდა, თითქოს ამ მატჩის პირდაპირი რეპორტაჟი იქნებოდა. რუმინეთის რაგბის ფედერაციის მედიპატრინიორ „პრო სპორტსა“ და საქართველოს ტელევიზიის „პირველ არხს“ შორის ინტენსიური მოლაპარაკებები მიმდინარეობდა. კარპატელები ყოველ ნაბიჯზე ფულს ითხოვდნენ, მაგრამ მერე საქმეში რუმინეთის რაგბის ფედერაცია ჩაერია: წლებადელი და საგაირო რეპორტაჟები ბარტერულად გაცვალათ, ფინანსურად არც ერთს გვიღიხნს და ასე უპირანი იქნება. ქართული მხარი რუმინელთა წინადადებას დაგებულა, თითქოს ყველაფერი მოგვარდა, მაგრამ ბოლოს გაირკვა, რომ რუმინეთის ტელევიზიას იმ თანამგზავრის დავალიანება ჰქონია, რომლის შემფლობითაც პირდაპირი რეპორტაჟი უნდა ეწარმოებინა და საბოლოოდ მხოლოდ ვიდუიანაწერის ჩვენება დაგებულა.

ჩვენი ეროვნული გუნდი ბუქარესტში ხუთშაბათს ჩაფრინდა და სასტუმრო „სტუდენტ პარკი“ დაბინავდა. მათ გუშინ შეუერთდნენ საქართველოს რაგბის კავშირის პრეზიდენტი ბიძინა გეგიძე და სპორტის სახელმწიფო დეპარტამენტის თავმჯდომარე ირაკლი მემარიაშვილი. ბორჯღალოსნები, როგორც იცით, ფრანგი მთავარი მწვრთნელის, კლოდ სორელის მეთვალყურეობით მონპელიეს მახლობლად, გრანდ მონტეს ბაზაზე ემზადებოდნენ. მუსიე კლოდმა თავდაპირველად ოცდაექვს მორაგბეს უხმო, ამათგან კი ის ოცდაორი შეარჩია, ვისაც რუმინეთთან უპირებს დაყენებას. სამწუხაროდ, საფრა-

ნეთის ჩემპიონატში დაშვდნენ მესამეხაზელი გია ლაბაძე და უნივერსალი პირველხაზელი გოდერდი შველიძე. გარდა ამისა, სათადარიგო უკანახაზელ გუჯა იოვანესაც მიკრო ტრავმა აწუხებდა. სამაგიეროდ, გამოვანმრთელდნენ გრეგუარ იაშვილი და ბადრი ხეხელაშვილი, რომელთაც კლოდ სორელმა უმაღ 22-კაციან შემადგენლობაში გამოუნახა ადგილი.

ტრავმებს ვერ გადაურჩნენ რუმინელებიც: მათი გასაჭირი ჩვენთან შედარებით, აბა, რა მოსატანია. კარპატელებს ერთიმეორის მიყოლებით გამოაკლდნენ ლიდერები. ჯერ იყო და შარშან ქართველთა დამწიკებელი, მე-9 ნომერი პეტრე მიტუ დაიმტვრა. მას სამი კვირის წინ რუსეთთან მატჩში მუხლი დაუზიანდა და საოპერაციოც შეიქნა. მიტუ წლეულს გუნდის კაპიტანი და „ერთა თასის“ უპირველესი მეოლე იყო. ამდენად იგი აუნახაურებელი დანაკლისია რუმინელთათვის. მერე „მუხის ფთილები“ გარემარბმა და საფრანგეთში სახელდავებულმა გეორგე სოლომეძემ მიიღო ტრავმა და ვერც ის დაეხმარება თავისიანებს. საეჭვოა შერკინების მესამეხაზელის, ფლორიან კოროდიანუს თამაშიც. კოროდიანუს ცოლი საფრანგეთში დღე-ღამეზე ბავშვს ელოდება და ქმარმაც თავიდან შემოთვალა, სარაგბოდ არ მცხელაო, მაგრამ ბოლოს ქართველთა წინააღმდეგ თამაშს დაკვებულა, თუმც რუმინელთა საბრძოლო ბანაკში ვერ არ გამოჩნდა. მიუხედავად ამისა, კარპატელთა მთავარი მწვრთნელი მირჩა პარასკივი კოროდიანუს კაცურ სიტყვას ენდობა და იგი წინასამატჩო განაცხადშიც შეიყვანა.

ვინ უკაპიტნებს რუმინელებს მიტუს არყოფნაში, ჯერ დანამდვილებით არ გარკვეულა. თავდაპირველად მიტუს შემცვლელად გეორგე სოლომეძის მიინევდნენ, მაგრამ გამოცდილი გარემარბი დაიმტვრა და არჩევანი ალექსანდრე მანტაზე შეაჩერეს, სათადარიგო ვარიანტად კი სორინ სოკოლი დაიგულეს, რომელიც აქამდე რუმინეთის სახელით თამაშს უარობდა, მაგრამ მერე შეპირებული გასამარჯვლო ტყუაში დაუჯდა.

მიუხედავად ტრავმებისა, რუმინელები იმედინად არიან განწყობილი. აი, რას ამბობს ტრავმირებული პეტრე მიტუ: „მიუხედავად იმისა, რომ მე ვერ ვითამაშებ, ჩემი გუნდის გამარჯვებაში ეჭვიც არ მეპარება. ერთ-ერთ ქართველს, მეველედ მთიულიშვილს, რომელიც „ორიიკაში“ ჩემი თანაგუნდელია, სანაძლეო დაუდე ორ ბოთლ შამპანურზე, რომ ჩვენ მინიმუმ 20 ქულის სხვაობით მოვიგებთ. დარწმუნებული ვარ, თამაშის მერე მოგებულს ორივე ერთად დავლევთ“.

მიტუსგან განსხვავებით სორინ სოკოლი უფრო ფრთხილობს: „საქართველო ძალიან ძლიერი გუნდია, ქართველი მორაგბეები ფიზიკურად და ტექნიკურად კარგად არიან მომზადებული. ერთი შეცდომაც კი ძვირად დავკვივდება. მთავარია მეტოქეს ჩვენი თამაში მოვახვიოთ თავს. თუ ეს შევძელით, ყველაფერი კარგად იქნება“.

ქართველები და რუმინელები აქამდე ორჯერ დაეჯახნენ ერთმანეთს. პირველად, 1998 წლის 18 ნოემბერს, დუბლინში რუმინეთმა 27:23 მოიგო და მეთხე მსოფლიოს თასზე თავად გავიდა. მეორედ, 2000 წლის 2 აპრილს, თბილისში დაუპირისპირდა რუმინეთი საქართველოს. ეს მატჩი პირველად გამართული „ევროპის ერთა თასის“ ეგიდით ტარდებოდა, სწორედ ამ შეხვედრის შედეგის მიხედვით ირკვეოდა თასის მფლობელი. მიუხედავად ქართველთა მედგარი წინააღმდეგობისა, რუმინელებმა 23:20 მოიგეს და თბილისში ჩამოტანდნენ თასი სამშობლოში გაიყოლეს.

რა მოხდება დღეს, კაცმა არ იცის. იმედი ვიქონიოთ, რომ ამჯერად ნავსი გატყდება და მესამე ცდიდან გამარჯვება ქართველებს დაგვრჩება. ერთი, რომ სორელმა ჩვენს ბეგებს ისეთი ლაღად ბურთაობა შეასწავლა, მათ რუსეთი და ორმსოფლიოთას მოვლილი ესპანეთი იოლად დაჯახნეს. მეორე, სოლომეძეს და მიტუს გარეშე დარჩენილი რუმინელები უკვე ის მრისხანე გუნდი აღარაა, მათთან გამარჯვება წარმოუდგენელი იყო. მესამე და მთავარი მოტივაცია — ბორჯღალოსნები წლეულს უფრო დადენდნენ, პროფესიონალებად



2000 წლის 2 აპრილი. საქართველო — რუმინეთი 20:23. ვანო ნადირაძე (მარცხნივ) დერეფანის მოგებას დღესაც შეეცდება

დაც ჩამოყალიბდნენ და გამოცდილებაც შეიძინეს. მათ მეტოქის შიში აღარ აქვთ. ჩვენს მორაგბეებს ჩინებული შანსი გაუწნდათ, პირველი საერაშორისო ჯილოდ მოიგონ და ამით ქართველი ხალხი უზომოდ გაახარონ. ამის საპირისპიროდ რუმინეთს აქამდე მოპოვებულის შენარჩუნება უნდა. მისი მოთამაშეები, ქართველთაგან განსხვავებით, პატრიოტები ნამდვილად არ არიან და მხოლოდ იმაზე ფიქრობენ, ნაკრებში თამაშით რაც შეიძლება მეტი ფული დასცინციონ თავიანთ ისედაც ღატაკ ფედერაციას.

გუშინ რუმინეთში მყოფ საქართველოს რაგბის კავშირის პრეზიდენტს ბიძინა გეგიძემ შევეხებინათ: — მე და სპორტის სახელმწიფო დეპარტამენტის თავმჯდომარე ირაკლი მემარიაშვილი შეუდისას ჩამოვედით. მორაგბეები უკვე სასტუმროში იყვნენ დაბინავებული. როგორც მთხერეს, რუმინელებმა საკმაოდ ნორმალურად გვიმასპინდლეს „სტუდენტ პარკი“, სადაც ჩვენი ნაკრები ცხოვრობს, წყარ ადგილზე ამუნებულა. საფრანგო მოვლანიც და ბურთებიც გამოვიყვეს. ამ მხრივ პრობლემა არ შეუქნიათ რუმინელებს, თავიანთი შესაძლებლობებიდან გამოიძინარე. ვერურობით ყველაფერს აკეთებენ ნორმალურად რომ მოგვიღონ. რაც შეეძება ჩვენს მორაგბეებს, ბიჭები ვანზე არიან და საბრძოლველად ემზადებან.

ბაჩო სვანიძე



2000 წლის 2 აპრილი. საქართველო — რუმინეთი 20:23. რუმინეთის პეტრე მიტუ (მარცხნივ) არ ეყოლება

საგარეულო უმაღლესობა		
რუმინეთი	საქართველო	
პირითადი უმაღლესობა		
ვალენტინ მაფტიე	15	ბესიკ ხამაშურიძე
ვასილე გიოკი	14	მალხაზ ურჯუკაშვილი
გაბრიელ ბრეზოიანუ	13	თედო ზიბზიბაძე
ნიკოლაე ოპრია	12	ვასილ კაცაძე
რომეო გონტინიაკი	11	ვასილ აბაშიძე
მიხაი ჩოლაკუ	10	პალიკო ჯიმშელაძე
ლუჩან სირბუ	9	ირაკლი აბუსერიძე
ფლორინ კოროდიანუ	8	ილია ზედგინიძე
დანიელ იაკობი	7	გრეგუარ იაშვილი
ალექსანდრე მანტა (კაპ.)	6	დავით ბოლდაშვილი
ოვიდიუ ტონიცე	5	ვიქტორ დიდებულიძე
სორინ სოკოლი	4	ვანო ნადირაძე
იონ პოპესკუ	3	ლევან ცაბაძე (კაპ.)
სტეფან დემჩი	2	აქესენტი გიორგაძე
დრაგოშ დიმა	1	მეველედ მთიულიშვილი
სათადარიგონი		
პეტრუ ბელანი	16	ლევან ჯაველიძე
მარჩელ სოკაჩუ	17	სოსო ნიკოლაენკო
იონუც ჩოფუ	18	ტარიელ რატინიძე
ჯორჯე კირიაკი	19	ზურაბ მჭედლიშვილი
შერბან გურუნესკუ	20	შოთა მოდებაძე
იონუც ტოფანი	21	კახა ალანია
მიხაი ვიორიანუ	22	ბადრი ხეხელაშვილი



AP ფაილსიდან



მოთაგაუე უიუი, გასარეპული ვანგი

მსაც აღსრულდა: „დალას მავერიქსის“ მწვრთნელი დონ ნელსონი „ატლანტა ჰოქსის“ წინააღმდეგ მოედანზე უშვებს ნბა-ს ისტორიაში პირველ ჩინელს ვანგ უიუის. ტრიბუნაზე კი დგას ამაყი ჩინელი გულშემატკივარი კეიან ვანგი და ამ დარბაზში მხოლოდ უიუისთვის გასაგები პლაკატით ესალმება თანამემამულეს. უიუის რვა წუთი უთამაშია და ექვსი ქულა მოუტანია მასპინძელთათვის, რომლებსაც 10მ:94 მოუგიათ.

კარგ ხასიათზე

ხუთას კუბურსანტიმეტრიან მოტოდრავთა დიდი პირველად ტოკიოს სუბუკას ტრასაზე გაისმის ხოლმე. სწორედ იაპონიის დიდი პრიზი ვახლავთ სეზონის გამხსნელი შეჯიბრი ამ სპორტში. ორიწლისწინანდელი მსოფლიო ჩემპიონი, ესპანელი ალექს კრივიე სუბუკას კიდევ დგას და ტრასის დედოფლებთან, ნათმი სეტანისა და პიროვ ტაკეკურასთან ერთად იწონებს თავს. სეზონის წინ ყველა კარგ ხასიათზეა.



REUTERS სუბუკაიდან

ათენის წარმოღობა

2004 წლის ოლიმპიადის მასპინძელმა, საბერძნეთის დედაქალაქმა ათენმა გუშინ პირველი ოლიმპიური პრეზენტაციის გაიმართა და ათენის ოლიმპიური სიმბოლიკის პირველი ღია ჩვენებაც შესთავაზა მსოფლიოს. სამოსი, სუვენირები, დროშები და ათასი სხვა ნივთი ნორჩმა სპორტსმენებმა წარუდგინეს იქ შეყრილ ხალხს.



REUTERS ათენიდან

კარსუკან

პოპოსტმპი რომ ვადირევიან, სახსუბარი ადვილის შერჩევას არ დავიდევნებ. როგორც მოვრალეები წაესევიან ხოლმე ერთმანეთს დუქნის კარს უკან, ისე ნუშვილეული სკოტ უიუერი (24) და კალგარული კლარკ უილმის ჩააფრინდნენ ერთმანეთს პოკეის კარს უკან, თრ, თუნდ ზორბა მსაჯს ამათი ჩაწყნარება ძალიან გაუჭირდა... მერე საჯარიმოებიც ჩამოურიგებიათ, თამაში კი „ნუშვილს“ მოუგია მშრალად — 4:0



AP ნუშვილიდან



REUTERS აბსტრუქციზმიდან

სახალისო მოთაღვა

ბუშონ გერმანელი და პოლანდიელი ჩოგბურთელები დევისი თასის მეორე რაუნდში შეებნენ ერთმანეთს. უფრო სწორად, მათი სადევისო შეხვედრა დაიწყო. გუშინწინ კი პოლანდიელმა ჩოგბურთელმა პოლ ჰაარპუსმა და იან სიმერინგმა სახალხო ჩოგბურთი გამართეს ამსტერდამის რატუსის წინ. ბაგუეები დიდად გაერთნენ.

სარბიელი
საორტული გაჯეთი
გამოიცვამა 1990 წლის
28 დეკემბრიდან
გამოდის სამუშაოს,
ოთხშაბათს, ხუთშაბათს,
პარასკევის და შაბათს

მთავარი რედაქტორი ზურაბ ჯორჯიანი
დირექტორი გიორგი მამუკაძე
რედაქტორი თამაზ მიხრიაშვილი
ტექნიკური რედაქტორი ვანო ბერიძე
ფეხბურთის რედაქტორი სოსო კობიაშვილი
კალათბურთის და ინფორმაციის რედაქტორი რედაქტორი მერაბ რატიშვილი
ფეხბურთის რედაქტორი სოლომონ გულისაშვილი, გიორგი ღარჯანი, გიორგი ვაშაყიძე, კობა ინასარიძე, მამუკა კვანტალიანი, პაატა კვანტალიანი, ვანო ოქროპირიძე კალათბურთის და ინფორ-

მაციის რედაქტორი ვანო ახალაძე, ვიო ახვლედიანი, ილია ბაბუნაშვილი, გიორგი ბიკაშვილი, დავით გულუა, ავთანდილ გურასაშვილი, ავთანდილ სვანიძე, ირაკლი ფირაშვილი კორესპონდენტი ქუთაისში იუსუ კაციტაძე ფოტორეპორტიორები გურამ დოღუნიანი, ბადრი კეთილაძე სტილისტები მათა აბინაძე, ნათელა გორგობანი, ლალი გოზალიშვილი კომპიუტერული ცენტრი ლია ბესელია, ელენე გულუაშვილი, მამუკა გუგუელაძე, სვეტა დევაძე, მაგლა დოგრაშვილი, კახა თალაკვაძე ტრისტან კახურაშვილი, დავით ნადირაშვილი, მარიამ ტაბიძე, თენგიზ ფოფხაძე, ნინო ყუფუნია, გურამ ხელაშვილი
გამომცემი ზურაბ ინაშვილი

რედაქციის მისამართი:
თბილისი, ალექსანდრე ჯანაშიას ბაზარი 42, II კორპუსი, IV სართული.
საზოგადოებრივი მისამართი:
თბილისი — 79, საზოგადოებრივი
წილი 208. ტელეფონი: 39 48 29
ელექტრონული ფოსტა
sarbliel@gol.ge
ელექტრონული ვებგვერდი
<http://www.sarbliel.com.ge>